

皇清勅授孺人徐母吳太孺人墓志銘

孺人陰邑 誥封朝議大夫 吳公悞翁之女也 以節母傳久矣 自古貞女烈婦柏舟存其詩 楓陞旌其行 是皆不沒顧未聞有如 孺人之苦者 孺人誕自吳太夫人 難於撫字寄乳其姑 數十年來坎坷其境 冰雪其心 蓋亦窮矣 夫松柏生於山林其始也 與凡卉為伍而其終也 閱千岁历四時而不改柯 易葉其本性蓋由天定也 孺人之質蓋有似耳天而欲顯 孺人也故使吳太夫人不鞠其家以困之又使孺人家多偃蹇以迫之 當封公之沒長君甫三齡季君在嬰幼人謂 孺人无庇以為生而 孺人則曰背姑不孝 弃子不慈 負夫不義 失節無礼有一於此何以立身 噫此其為 孺人之節歟此其為 孺人之操歟吾未見 孺人而見其季君芝田公克自樹立能使危者安 亡者存絕者存絕者績其一 姪三子皆卓牽不羈 天殆速報

孺人歟何予孫之多賢也 近有貞節荻報者 其子孫皆雄才直氣 博取富貴於持左契而忠怒 仁厚遠遜 季君兴令孫輩由此觀之 孺人之福正未有艾也 孺人以乾隆辛丑岁十一月十一日戌时生以 道光 癸巳年 三月二十五日申時卒 享壽五十有三 葬入里墩新屋塋虎形山之陽 子男二 長若海 次芝田 女一適本邑 王公兆祥之子 字太陰 孫男四 長墨卿 次竹樓 次芥卿 次慕唐 孫女三 長適本邑向公月恒之子 字鴻軒 次適本邑黃公世照之子 字清富 三適本邑太學生劉公菊塢之子 字泉山 今貴族檢修家乘 季君始請銘 非敢諉也 蓋有待也其銘曰佳城建昔潛德傳今 峯成其秀 水注其清 事舅姑孝 操井白勤相夫挽鹿教子 和熊茶蓼方苦 松柏比貞手身 無穢骨節俱馨斧不斫鍊字不翦金 增光巾幘垂裕后後昆熾昌日盛蕃衍雲 初龍章炳炳 麟趾振振昭穆序礼霜露感心春秋匪懈俎豆維新

時

同治庚午歲冬月穀旦

賜進士出身翰林院編 國史館纂修提督山東學院

前任湖北巡撫 現任刑部尚書 充本科順天鄉試正考

官姻愚侄鄭敦謹頓首拜撰

裔孫祚德字芝田於同治壬戌年冬捐入公祠香火

田貳斗其在八尺墩中芙公墳當上土名邊二斗主譜外有捐約存祠

敕封儒林郎徐公芝田徐母毛安人墓誌銘

公幼零丁孤苦長險阻備常老福德兼擅翰見其生平所為燕寢問安克成母志鵠原急難善處天倫矩步
規行足無隕越憐貧周急心是慈悲且而重義輕財多方培植蓋仁性成也淑配毛安人者裾布簪荆勤助興創
正位治內卓有識謀不僅溫恭淑慎巾幗徽音矣今當四尺崇封用展一言弁冕其銘曰

岳峻淵涵松蒼柏古有猷有為不奪不侮課讀課耕允文允武杞梓梗柟凡卉非伍
安人之德柔惠且直敬戒無違宜其家室詩咏葛累孫
子众庶馬鬣同封焚黃指曰

時

光緒五年歲次己卯葭月穀旦

欽加按察使銜陝西提奏道署甘肅西寧兵備道
姻愚姪張宗翰頓首拜撰

勅授登仕佐郎徐公裕庭徐母謝孺人墓誌銘

公諱維祐 字裕庭 舉人鐸胞兄之孫 國學拔秀之子性

溫和不染時俗少壯幕遊吳越 白手成家 晚頤養天和 解排紛難 矍鑠哉是翁也 德配謝孺人 勤儉相夫 事姑孝 樂施濟族黨 無間言 子二伯青溪 以成均入翰林院 待詔仲海濤 以績學列明經 鄉試頂薦 不第 繼此孫會滿 室頭角 嶄然東海之福 其殆 方興未艾歟 公壽八十有一 孺人壽七旬有八 皆無疾考 終合葬邵家園 夙山辰山 戊向葬 未五稔 修石墓 仲君請銘於余 余不敏 待述所得於見聞 聞者以為之銘 其銘曰 翁兮 母兮 窀穸合處 既固 既安 以利後人

清光緒三十三年丁未歲仲秋月上澣穀旦

兩淮鹽大使府正堂景山宮孝習

舉人宗晚恭斗頓首拜撰

民國丁丑孫立生重錄

例授太學生徐公墨卿徐母許孺人墓誌銘

故友徐君墨卿吾湘偉士幼讀書極穎悟長為文多沉摯生平行己待人尤落落不苟同治初余館於會芳之家塾曾攜其作詩文就正每閱有一種清雋之氣溢於行間踰年輒拈題自課功日進方以遠到券之夫何幽芳在賞即睹蘭摧太璞期完旋聞玉碎即於庚辰修文地下矣噫多才不壽致使山邱木拱書劍塵埋殊堪深惜所幸詰君冠生克家稱肖報本培根特為修建石墓將來迪光於前正未有艾至淑配許孺人系出名門終溫且惠和凡之訓可補趨庭晝荻之賢猶襄內助冠生並為孺人砌壽藏於右墨卿有知其亦可無遺恨於九京矣聊誌數語並為之銘銘曰生有善行歿有餘光佳城屹立若金若堂承承奕葉俾熾而昌貞珉載泐永誌不忘欽加五品銜署湖南永明縣學訓導加一級

同學弟李運珩頓首拜誌

民國丁丑族姪孫立生重錄

清登進士鑑溪公既向宜人墓誌銘

公字鑒溪諱海濤性剛直少好讀書道試頂薦不第遂入太學列明經斯恨事也迄民國肇興公復入地方自治所畢業全鄉選舉董議會會長及保衛團紳歷任二十餘年提倡鄉學則一鄉學校林立提倡族社則一族社穀盈倉及晚年閉門謝役惟樂琴書以消日而已德配向宜人名門靜女世族淑媛助夫教子由少而壯而老不墜志也生五男二女長振鑽鄉舉舉團紳次振民長郡學校預科畢業三振綱輟讀篤賈四振旅駐省師範畢業五振鷺務農頗勤事業予既敷榮孫皆茁秀南州世業東海家聲他日之光耀斯無窮也茲石墓告成君乞余撰墓誌銘延思不敢虛譽特錄其善行以為墓誌其銘曰朝無明主野有遺賢鎮鄉舉其才宗族蒙其蔭孝友一庭晚景田園恒有樂詩書百代他年蘭桂永騰芳

前清舉人彭延思拜撰

民國二十一年甲申歲孟冬月穀旦刊

前清翰林院待詔徐清溪先生並德配何夫人壽藏碑誌

鼎革之際 蜩唐沸羹 不可爬梳 最難得者 高隱高隱矣 尤難得者 曠達 民國肇興 彌二載矣 爭權利之徒 滿坑滿谷 求一泡幻世 宙兒戲人間 生死來去 以自快者 邈不可得 頃學友徐君師庶 以父麟書先生夫婦營一生 圻囑余為之誌 且告之故曰 先生 湘陰縣人也 名清溪 字麟書 淹貫經史 旁通百家 難 學性醇厚 樸直 好維持地方 公安社會 中皆利賴之 而又恬退 自適 超然於塵俗之外 近因民國告成 自幸以專制餘生 得見燦爛莊嚴之民國 於愿已足 乃擇邑中大樹嶺泉水它之陽 預營石圻 為夫婦百年後合葬計 余聞之 哑言笑曰 先生非所謂高隱者 曠達者 且兒戲 生死來去者耶 古之營生壙者 名曰壽藏 於唐得二人焉 曰司空圖 曰姚勗 圖之營藏 既峻也 轍引故 人入壙 賦詩對酌 以自娛之 營藏于萬安山也 暑日寂居 劉土為床 曰化台 並刻石以告後世 今先生夫婦共營生壙 誠可謂達人 大觀 倘能引故人入壙 賦詩對酌 以自娛耶 則先生今之司空圖也 而余也不文 強為之誌 是將刻石以告後世矣 則先生又唐以後第二姚勗也 他日續湖湘耆旧集 先生其卓卓可傳者 歟 時先生年五十五也

中華民國二年癸丑歲暑月穀旦

長郡公中學立校校長世愚弟彭國鈞敬撰

前清拔貢世愚弟黃銘功敬書

附華表聯語

遠瀑掛清泉看終古白龍飛去
佳城繞溪水問几時黃鶴歸來

清舉人王振寰敬題

徐清溪老先生暨其德配何太夫人七秩雙壽序

湘陰之東距縣治五十里神鼎密崖之間有隱君子焉 曰徐清溪先生自號神鼎老人者也 丙寅六月值先生暨其德配何夫人 六十有八之壽辰 鄉之戚友謀以其年冬為 先生夫婦舉七秩祝嘏之觴 先生之季子師庶與天祐共事岳陽釐金局 因以壽序見屬天祐不敏感師庶之思顯其親也 遂不敢辭竊當慨夫國制搶攘之世其以武功致通顯者一時上壽則諛詞累 贖識者焉 至於頤志山林之士名虽不显而德行孚於一乡者实不可無述也 先生幼嗜學弱冠 以父游吳越逐主持家政 自課子弟於塾 承母氏之歡父歸而先生率弟舞斑衣娛二亲暮齒門庭之內雍雍加也 兄弟之間怡怡如也 修宗譜 建支祠創社倉 興族學 則其澤及宗族者洵不愧保家之主矣 粉難待其排解橋路賴其興修而平糴振荒尤為人所稱頌 則其化洽鄉間者可以為有道之士矣 生平於醫藥地理之書 嘗博觀而約取之 尤深造自得於醫醫貧人不取資 尤貧者則施藥以故歲時踵門備禮致謝者紛紛焉 則其全活民命者 善慶尤遠矣 是以潰兵 過其廬 雖遭劫掠而流彈從頭上飛過幸获无恙 吉人天相其明徵矣 何夫人躬操井臼有孟光之遺則焉 日勤紡織 有敬姜之懿行焉 上事尊章下鞠子姓礼隆婦順音薇母儀詩所謂令妻寿母其純嘏固宜为天所錫也 子五人 長立生 熱心地方公益為宗族鄉黨所推重 次南臺 務農 次楚賢 國藩 均經商 季子師庶 畢業湖南第一聯合中學校擬赴法勤工儉學 備資斧矣 以母病不果行遂卒業湖南財政厅釐捐稽徵講習所 历任永興县署科員 湘潭益陽 漢壽沅江 城陵磯各稅局徵收員 現任岳陽釐金局主任 稽征員工書六朝碑帖 為人蕭洒出尘 余觀其叙述二親之美征祝嘏之文用知 先生及何夫人之庭訓有方 後福無量也 先生少席父產能以勤儉治生益擴充之

迄今生齒熾昌杖履優游含飴弄孫極山林之樂他日福备期颐康強逢吉固非林類之徒所可庶幾也

世愚姪 黃顏巒 宵錫光 吳嶽 柳兴权

黃子哲 趙 论 匡宜民 周傑

李朝黻 李大章 曹修缘 楊世錫

林樹瓊 周忠毅 洪國鈞 周炳湘

林榮甲 洪簡吾 蕭森茂 王東陵

田綬卿 高炳炎 陳萬鵬 張 紳

曹胡徽 胡笏生 洪本格

同頓首拜祝

岳阳釐金徵收局局長世愚晚 辜天祐頓首拜撰

前華容縣縣長世愚晚 朱芾頓首拜書

中華民國十五年 丙寅歲冬月穀旦

民國丁丑冬月男立生訂

秀山公傳

竊夫傳之云者所以傳其事於后世也余支祖秀山公幼习诗书不求問達待鄉里以忠恕訓孫子以箴言其持已也尤有卓立之功雖富不淫貧賤不移威武不屈書曰立德立言立功謂之三不朽其支祖之謂乎厥後子孫繁衍頗積餘貲價置公田凡遇祖祠派費三合廟古祭以及清阴各項公務用度何莫非前人之所積聚也嗟嗟世變滄桑人心其不古也久矣或有視公以為奇貨欲廢公以飽私囊者是皆勿顧彰美前人垂及後世矣噫嘻此公其可廢乎哉余曰不可祖德宗功宜培宜植发則何以彰前人之善其可分乎哉余又曰不可一族四柱分則門戶何人理也幸合族績修譜牒有房长晋吾糾集头人倬凤育村有貴定山平周春生并房内人等共商议妥注載譜首以图久远俾后之子孙班班輩輩继继繩繩相傳而勿替也岂不懿歟岂不懿歟

清光緒 戊申岁孟冬吉月吉日秀山公裔孙谨序

傳者傳也所以傳其實也 我會祖愚山公彪炳儒林乾隆丁未歲補弟子員辛酉領鄉薦 自始祖受益公至今二十餘代 其間列庠序者不一而足 以登賢書者於曾祖僅一見非所謂桂林一枝也 歟興考曾祖生平有韜光斂迹之意 觀於抄修世系於太祖鞏麟公次韓公及妣楊太君高祖竹莊公與疇一公之配楊太君均各紀其事而增其美 而於一己之行藏概未之緣是殆深沉有大志者耶 抑留其蹟以待後人之 闡揚耳石韞玉而山輝水含珠而川媚在興輩不當為曾祖注也耶 興生也晚於曾祖之手澤未獲親炙光儀久已耿耿於懷而不能釋逮本歲於邑仰高書院 晤父執楊君步丹者言會祖當日文稿遍傳爾 時拔童軍士林中無不佩服 興即起而敬問之求給其稿伊對以闡墨尚存興隨至伊齊几番檢英 未如所願 旋叩其門者 三始得搆求偏誦 見其筆筆高超 字字精警 誠文壇飛將軍也 觀於主考馬批其首題子曰為政全章云題眼在一以字着迹便涉於纖 但寫德字非立言本旨文從下逆取追以德中比行之 無本出之有源 以字透露至下截只一滾說出可云眼明手竦 宗師吳批其次題使天下之人齊明盛服以承祭祀文 云扼定齊明盛服寫 使字方留得洋洋三句在批其三題禹思天下四句文云恰是四句題文批其詩題湖光與天遠詩云穩極自工是均無過譽也 文如是其品概可想見矣 興用是不弃蕪雜而妄抒藻云

時

清同治九年庚午歲小陽月穀旦

降服曾孫維興墨卿翰清氏識

貽贈儒林郎芝田公傳

公諱祚德 字巍鎮 號芝田 姓徐氏曾祖仕達家故饒至祖巍慶中落父於事 生子二 公其次也 公生未一週而失怙賴母吳孺人 苦心鞠育外家復時有扶助兄弟始得成立既長兄力耕公以心計操奇計贏伯仲一心積十數年先後成實 置有薄產 視曩時景象稍異焉 然家計仍甚絀也 公復策勵精神 自兄歿後 獨力撐持至老 不倦復連 置田莊數處 吁其艱已 公性純篤 事母以孝聞 虽貧甘旨無缺 母病侍湯藥不廢既卒 罄家貲營葬哭泣盡哀 兄中年遭疾無子 公思慰其心以愈其疾 乃以己所甫生一子繼之未幾 兄亡公慟甚不數月 遺腹生女越五年 嗣兄子殤公益悲迨 自立子一 生子三復為兄立后以成厥志 而其產業則提若干亩归兄後餘復均分斟酌 权衡仁義兩無歉也 公好施又不忘人之施 凡宗族鄉黨中義舉如祀田社倉石路墳墓諸項皆慨捐不少 吝里人某某死乞葬地輒立契予之不取值其乐善如此 少時得外家温恤始終銘於心析產時犹拳拳著之笔墨以囑其子孫其不忘人之惠 如此凡此皆學問中事也 而問公當日實少孤未嘗學問卒其所為 如是不謂學得乎 公以光緒二年丙子岁六月十五日未時卒 享六十有七 生時循例為太學生歿後以孫新瑞捐階

貤贈儒林郎 元配潘氏 繼配毛氏均貤贈安人 副室藍氏子四维興太學生 維舉維富太學生 敕贈儒林郎 維貴太學生 生出后公兄孫新立太學生 新瑞布政司理 問銜新翥 新源 新洛 曾孫振河 振江 振湖 振興 振英 振鐸輩出朋興 其亦有承公志而勿違者歟贊曰 自詞章之學興而倫行之真不託之膠庠 而託之田野如公之孝友慈仁 不學而得其大視修士之浮華無實何如哉 或第以轉物候時得古貨殖之意是亦 見其淺未窺其深也

敕授文林郎揀選知縣現任郵部錄事壬寅補行予庚子辛丑恩正併科舉人姻再姪巢功贊頓首拜撰

光緒三十四年 岁次戊申九月穀旦

族老前輩祚藩公許孺人合傳

先賢祚藩公以派序則族曾祖也字晉吾博聞強記文名冠一時棄清光緒乙未進士不惜化兩春風畢生以傳經為事樹人甚众如鄭惠泉張益生袁湘州等鄉前輩皆公之高足也在弃清以功名論則有名列庠序者焉以民國服務社會論則或效力於國家或為政於鄉黨此公之遺也澤也且賦質純篤秉性中和對於宗族鄉黨有益之舉靡不竭力提倡必期於成功而後已如吾祠清明之祭素所無者乃首倡創立清明祭田以符孝子追遠之念又如族社吾祠亦曾無者乃毅然倡積呈請政府立案勸導族間儲蓄煞費苦心始告成立迄今念年之久穀已盈倉族間貧戶誰不追念及之且關心家乘尤岌岌耳庚午三修負纂修之責戊申四修任倡修之勞上恐失祖宗之源流下恐失子孫之支系其志如斯更堪嘉許晚年有魯仲連風度於鄉黨紛難嘗出排解之鄉黨仰公年高德望雖事屬萬難輒迎刃而解以故宗族尊其德鄉黨稱其仁難逝世念年迄今倘嘖膾炙人口非公之文章道德可以壽世也哉其德配許孺人乃名門淑女素諳閨訓持躬勤約賦質莊嚴相夫尽礼教子有方且鄰族時有匱乏靡不盡力周卹難早逝有年譽声尤在誠不愧為公之良匹也不幸未克偕老百年深為惋惜也民國丁丑吾祠續譜韓卿躬逢其盛蓋經族中長者謬舉負有纂修之責經理方面有鬢髮蒼蒼精神矍鑠之老人與焉叩之則公之仲君維義公也維義公名俊川字炳生性剛直忠厚持躬涉世有乃父遺風幼曾隨父塾讀質尚聰穎第因曲从母志輟學而耕乘暇仍习書算故譜局事虽烦琐處之裕如也目前年屆耄耄与李孺人白头举案且瓜綿椒衍继继绳绳积善之家必有余庆信哉古今之言不我欺也維義公乘間與韓卿道及公之畢生事迹足跡历历不爽并囑為之傳茲不揣冒昧竟以不律之言付梓亦聊以頌公之善言行庶不负孝子揚亲之良意也

时

民国二十六年岁次丁丑孟冬月上澣穀旦

族曾孙振楚幹卿氏顿首拜撰

徐母巢安人傳

安人为湘陰巢義士湘浦太年伯之次女宿儒貢士閣磨年伯之妹前交通部僉事財政部委員懋丞同年之姑母也 幼習詩書 長嫻閨訓 年十八歸徐公介卿 徐公體弱多病 安人奉湯藥未嘗稍懈 年二十九 徐公卒 安人慟不欲生 子二女一 均幼零丁孤苦家務中又多科紛環 境艱難堅苦應付 祖遺產業方析箸時 仅分田租九十六担 安人勤儉逾恒 終歲紡織不輟 当廢止 晚餐先后添置田租二百担有奇而于公益事未常后人 安人之姑年老而双目早经失明肝气颇旺 安

维原老先生傳

吾族維原先生字邦慶乃一鄉之善士也一生言行可嘉少之時血氣未定衛生最嚴入繁華之境而不乱其心趨勢力之徒而不折其節朝犁雲暮鋤雨躬耕稼穡出作入息樂乎天命復奚疑侍父母能竭其力當父母有疾病侍奉湯藥不離左右寢不解其衣帶此孝出於天性也及其壯年血氣方剛戒之在鬪入而在家雍睦一堂出而在鄉恂恂似不能言一言無爭訟一行無反抗其為人謀在忠遇友有事患難相顧如齊之鮑叔牙為管仲謀返齊而能脫堂阜之囚與人交最善上交不諂下交不瀆如齊之晏平仲久不忘敬此壯行大可嘉焉及其老也血氣即衰戒之在得在鄉黨鄉舉困伸辦事不留餘力在宗族族舉房長視事不畏浮焉管理宗祠族社穀盈倉充任華國學校校長學務大有起色公於排紛解難事事盡心繞有魯仲連之雅度此晚行又可嘉焉德配李老儒人勤儉向夫先生之興家創業業多賴於儒人內助之力微孺人之賢不足以成先生之志微先生之量不足以揚孺人之名夫唱婦隨良可稱也珠璣云天地和而後雨澤降夫婦和而後家道成深信無疑生五男二女長男潤富從戎北伐充任橡閩越軍第十三統領第三十四營第一連中尉連副後任廣東潮州府大埔縣县政府委員民國十三年又編入革命軍船泊管理處助理員次雙泉四庚申學工業工業精明三太山五元凱力農負穡無怠無荒孫會繞膝彬彬有礼日後光宗耀祖故有望焉更難得者龍孫志卿業岐黃之術醫學精通由此努力用功不難蒸蒸日上達他年醫道振南湘其活族濟貧有深望焉今歲合族續修譜牒貴柱選舉纂修志卿負其責任為父乞余傳余久疏簡筆特錄一生言行以褒美而勸後人也

族再晚德鈞拜贈

民國二十六年歲次丁丑孟冬月中浣穀旦

例授太學生徐公新厚徐母劉孺人傳

吾鄉前丈徐公新厚大人 字寅階 資質聰穎 性情耿介 待人以誠 持躬儉約 鄉黨族中如有糾紛不憚其煩而排解之 乃一湘之善士也 德配劉孺人 素性勤儉 溫恭淑慎 孝事翁姑 和於妯娌 相夫有光 教子多方 誠名門淑女也 子三 女二 長池化 次松濤 出繼堂伯明凱公為嗣 由讀而耕 晚景歡娛 三月橋 經商交友 处世和平 孫五人 綏柔 炳焜 宋良 沛全 合全 會孫四人 益和海 湖雍睦 應譜等 令曾孫益和性聰慧 善穎悟 後生可畏也 前丈與劉太君 未得白髮舉案 忽於民國三年秋 而竟別世西歸也 嗣兄弟和好聚處一堂 勤作之暇 專事貿易 真勤勞之家也 創置產業 修建星宇 諺云 兄弟同心 家必興 信斯言也 近年來因時局滄桑 奉承母命 分居卸戶 仍勤儉治家 較前尤勝也 令慈於前秋偶然跌地 傷臀作痛 敬延良醫而診治 令男衣解帶數月 現仍精神矍鑠 難行止 不便有子媳 孫會出入扶持 小心翼翼 有珍饈則爭而進之 每事如其母意 以此而觀 有孝子賢孫也 令長君性情剛直 不怯豪強 不諂富貴 團內經理積穀族中經理 族社積穀盈倉 克己待人 理公廉潔 鄉黨咸稱君子也 前任貴族學校經理 繼任數年 皆從節儉 維持校育 乃有起色也 貴族敬修家乘 今嗣負經理之責 協助從事 竟三月之奇而告成 所罕見也 晚授課之暇 遍覽文稿 傳贊殊多 見此有感 乃與令嗣詳詢 前丈畢生之事蹟 聊述俚以為之傳 而異日賢才輩出 有後望焉

民國二十六年丁丑歲陽月下澣穀旦

愚再晚易志堅芝生氏頓首拜撰

族祖維柏公傳

善者昌惡者殃此天之道也觀乎

族祖維柏公則信焉矣 公字雲山雖長為農夫躬耕 隴畝然悉世情 知大體 存忠厚之心 利人克己 如通財以濟貧乏 減耀以救饑荒原配繼配戴陳兩孺人皆世家產 相夫以禮 每於義舉促之 使成天道好還故先後得五男 而孫十有二焉 余此來續譜查閱 公之支系僅五代之傳 其子姓繁衍已百有奇矣 豈非我公好善之 所以昌之者歟更喜後启有人 如金生者乃公之曾孫漢臣兄之季子也 青年英俊 學識優良 茲以國家多事 工作于前防將來必有建設 於國家甚有厚望焉 特將我公事跡簡為言之 付梓以為 欲子孫昌者之先導焉

民國丁丑岁阳月穀旦

族再晚振羣志卿氏拜撰

清太學生徐公新立墓誌銘

清太學生徐公讳新立 號冠生 文業人也 與澤霖居相近 知相信公於光緒二年丙子岁入承明儒太親翁墨卿公宗桃年方七岁 得知太體父病 隨母許太宜人侍奉湯藥 不辭日夜勤勞 親聆父訓 父歿同母許太宜人慟不欲生 覺以順變理解安慰 母懷旦自謂曰 身為繼承子欲事無父母其色難矣 不盡情不親奉 不足以快其母心 所以許太宜人心廣體胖 得享高年 莫非公之力歟 公於清光緒三十二年丙午岁充當八里團團總 適遇荒歉 搶風四起 公同局中當道者到 具稟請穀赴省 領穀回鄉 人心鎮靖 公於用費穀陳耗失共虧去明錢八十貳串有奇 地方父老本擬募費彌補公力 辭不受 且自謂曰 年荒難遇 讀書種子 對於維持地方民食有應盡之義務 所以地方未受糜爛者 莫非公之力歟 以公之居心 為人應享遐齡 柰天不假年命數定也 公於清同治九年庚午岁十月初二日未時生 於清宣統三年辛亥岁十一月二十六日亥時卒 得年四十有二 葬武昌鄉八里團茶亭嶺中 甯山丑未向 之新阡 德配伏孺人 溫恭淑慎 內助多能 子二 長振英 課讀 次振鐸 課耕 均系英偉箕裘可 女四 早配士族孫五大 乾坤元亨利元 出繼老三房 支下履仁為子 孫女二 澤霖既知公為徐家之孝子 鄉里之善士 振英 振鐸 於其續修家乘 屢以誌相請 故強以為之 志而銘之 銘曰 以公之孝 詩云 孝子不匱 永錫爾類 以公之善 易云 積善之家 必有余慶 於嗟夫盛歟

民國二十六年丁丑岁孟冬月穀旦

前古丈县知事姻教弟鄭澤霖拜撰

族長耀在公傳

居處恭執事敬與人忠古之君子也 族長耀廷公庶乎近之 公諱新發行居長年 屆耄耄舉止康 此仁者寿而山乐好静之所致也歟 公幼年承父母命由讀而耕 日出而作 日入而息 盡力於田園之間 經卒岁之勞而無懈志也 父母之喪 竭力營葬 克盡其礼 德配霍孺人 名門淑女 知書識礼 相夫克克盡妇道家間出入簿賬司之未嘗誤也 與公唱隨相得 家室咸宜 先後得六男二女 長字澍霖 隨公耕於陇畝 次字賜祥 三子兆階 皆棄農而商 賜祥設店於沅江 兆階設店於省會 交易公平 能获市肆信仰 勃勃然有起色也 四子四清未成童而殤 五字五凤 六字六生亦隨公力耕 惜乎皆不幸早逝 乃公之恨事也 長女適名門甘氏 次女亦未字而夭 幸得后启有人 孙曾绕膝樂何如之 公之間有亲戚容者 乃霍孺人先 公而逝未得白头 舉案克代分任家計之勞耳 公以居恭事敬与人以忠宗族尊之乡党敬之 当有纠纷之难解者 公至則涣然冰釋莫非 公之德足以服之为斯人也 可儀可式 故为之傳以傳其實也

民國丁岁孟冬月上澣穀旦 族晚幹卿謹識

清登進士徐公鑑溪先生傳

先生孝友傳家 平生樸實無華 及老不改 不慕財利而家政恒興 奮志讀書而童軍屢困紹獬 弱冠同學仰高書院 會見館課官課 每得優獎 癸酉歲道考頂薦不第 先生之名三十不稱 清末年廢考試入太學 列明經雖有大之志 終莫能途意 迄民國肇興入地方自治畢業 我謂先生大器晚成 不難連步登朝 殊烟霞痼癖深矣 隱居不出 本鄉選舉董議事會長 遇事討論彈劾無私 莫不悅服 越年委任保衛團紳 連任二十餘年 眾望永孚 是時政府廢神戲祀公提 抽祠產廟產處處遵辦最嚴 而先生不然神戲 公保存不廢祠產廟產酌量提抽 全鄉咸歌功德 至於提倡學務 一鄉學校成立者二十六校 提倡族社一族兩祠 儲蓄族社穀凶荒有備 先生保全桑梓誠可嘉也 常見和解布公同善之糾紛數年爭訟不息 一旦糾紛解決 不獨同善 受祐無窮 及水口山神道閉塞 而復開通同鄉舒志成 自幼貿易洪江 家有田產六担 有奇被族人強佔 十餘年年無租 一旦裁判仍歸旧主 先生之解排粉難 如此類推 難盡述也 又見交友為謀最忠與邑宰李公介春相善 反政初年會商全县紳士挽留李令數年 同鄉吳公國鏞相善 民國元年伊侄世麟會開 辦自治贊襄其事 調和社會感情至深 先生擇交為謀亦罕聞也 又見匪兵四起 有匪首馬乘犯境 率部兵數十到家 似不可逃 惟賊黨有知其善良 不可犯者 倒戈相向 保送出戶 農協會壓迫捐費 區執委 率部兵到家 莫之敢撓 惟公神色不懼 敢於厲詞爭辦 賊黨不敢加害 終負荊請罪 先生膽氣過人 良可稱也 更惜晚年目鼓 目閉 門不出 長效陳博大睡 凡 鄰里周急窮民入戶 乞食概好施不吝 開居課讀 孫子 教授經書 批解文藝 終日 口講指畫不倦 先生樂施課讀 尤非世俗及也 聞家乘續修兩屆選舉總理 想前戊申時代 年富力强 族事手續紛繁 不殫 煩勞固無論也 惟此晚景年已七十 視茫茫 髮蒼蒼 負此續譜重件 何敢負其責任 竟懇就職 視事竭力維持 上有慰先祖之望 下有安子孫之心 其宜家保族 豈細事哉 歲丁丑 貴族修家乘 仲

君德鈞乞余傳紹獬思明德之後必有達
人謹將所見所聞者以為之傳而示後昆云爾

民國二十六年丁丑歲孟冬月穀旦
世愚弟許紹獬拜撰

族老前輩維賓公傳

創業難守成亦不易 此先賢家居之箴言也 吾族

老前輩維宝公克履斯道 公字桂林 幼失怙既具与家之念侍母 刘老孺人克盡其孝 刘劉老孺人命之學藝
忻然從之艺成之後 兼理稼穡 是工而農者也 且持躬儉約 不務奢華 德配胡孺人知禮義 侍姑孝相夫
賢为 公内助得力 良多以故家務勃勃然興矣 天佑吉人 得五男五女 长新斗 次新光 三新華 四新富
五新培或營工或務農 克紹箕裘 以勤儉綿其家 澤女皆適名門 無失德更幸鳳毛濟美 孫皆苗秀焉 新斗
公字金成 質聰穎 精書算性 诙諧雅好暢談今古佚事 示人善惡之報 寓警懲之意 施教育於笑談之中
使人而聞之誠 難得也 且誠實 經理族間義務 如族學經理族社董事总祠經管皆盡誠信为 族仰之丁丑
續譜获選担任經理之責 录丁收費購備物用 雖勞不良难能也 幹卿以纂修之責忝居其间故知之深而書
之付梓以揚我公喬梓之善行焉

民國二十六年岁次丁丑孟冬月上澣穀旦

駐省師範畢業族再晚振楚幹卿氏拜撰

徐公清溪大人徐母何老太君行述

先考諱清溪 字麟書 自號神鼎老人 先王父裕庭公之長子也 清授翰林院待詔 世居湘陰武昌乡神

鼎團毛家塘故里 家境夙貧 生於清咸豐九年己未歲六月十六日辰時 體貌偉英偉 秉賦清奇 越十二載 先王母謝老太君又生叔父淦溪公 先考僅五歲時隨先王父母及先二伯祖維慶公遷居今三神鄉上豐倉八達橋是時 先王父幕遊吳越家務端賴先王母撐持 先考幼精敏自就傳讀始從同里宿儒陳子固老師繼從族祖墨卿 公均器許之惟 先二伯祖無嗣 視先考猶子當其負笈時 先二伯祖每履送殷殷旋以 先王母年老多病 先考遂輟學助理家政 自此先王父跋山涉河 艰苦備當所得 俸入由先考秉承其命 添置田產 催請壯工自行耕種 適逢收護豐爰家道漸隆 并督促叔父力讀詩書以列明經迨 先王父倦遊歸來 見一切部署井然 甚為快慰 但先考猶以為不得更竭力焉 每屆年秋 親詣南嶽為其祈壽 嘗從蘇惠泉地 師遊針定其壽藏 居致敬養致樂親友極端欽遲未几 先王父母相繼西歸 先考乃偕叔父先後遵禮殯葬並置公田墓屋以明祀事 惟歲時祭為忌免 并諭 師庶兄弟桑梓之間不宜任意結仇 惟愛護之心則視其力之所能及耳是役也追兵數百捕獲 潰兵三名決欲槍斃 吾家门首 代洩其憤 先考力保未杀 尤屬難能 至此次兵灾流彈几后 先考头上飞过 先妣由家人掖走高山几致氣絕 其危險境界不堪回首 先考研究醫術內外科兼悉 每年治愈病者不知凡几 存心壽世 不但不取診費而好施藥 至老弗輟又善地理及星學卜筮遐遇親友叩之即行從未索受酬 金吾家穀米各有贍餘 先考每必減價出糶 惟遇荒年必留存接濟 零星小戶價不昂 而糶必均迄多感激平日往來乞丐及困苦顛連無告者 先考目擊立予拯濟 且頻頻慰之 本邑自入民國以后伏莽 潛滋迨民十六農協 專橫吾家人口十尚可棲息至民十九赤匪扰乱吾鄉罹禍較民五兵燹尤甚 鄰近見戕於匪及為匪而被戮者甚多 吾家人均走散許久未歸 先考年越七秩一走白車站再走新开江后走 县城師庶寄寓 稍安至以心傷 國故內軫家憂而老境 遂由之更駭尋矣 其時師庶遠游金陵 道路相傳五內如焚莫可奈何先考酷愛儉朴一生 无嗜好 起早睡晚 精神至老犹佳約計 先考經營家政凡五十余年含

辛茹苦 罄竹難宣 觀于各處之茶藥果木胥由其手澤栽培即可知其勤勞也 先考庭訓最严厉 全家數十口人一聞聲音不畏懼 往年課讀師庶兄弟每晚以神香為限 所教詩書均須背誦師庶此際 經書猶克記憶者莫非先考膝下之功也 師庶兄弟仰叨德庇 或為農為商或為公務員出入必告 每殷殷以世亂民艱為念 戒務農毋懈怠 戒經商毋狡猾 戒任官吏毋貪污 要勤慎師庶 曾服務財政各界十有餘年 依然兩袖清風蓋恪遵先考與先妣之耳提面命也 先考與叔父虽析箸多年每外出必互告其怡怡可悉 先四叔祖維山公一支子孫遠離異地幾無稽致至經 先考出而肆力証明始行歸宗其孝友如此 先考年逾知命即自泐壽藏旋因世道多故 又將家產親手分派 大意祖之長髯自若似是 達觀實則渠恐遺累師庶弟也 先考於去年丙子十一月念九日偶患氣喘 服藥似效 寢饋亦未斷詎料至臘月初四日用膳飲茶洗面後正坐火爐邊忽爾溘然長逝矣 時正日午師庶兄弟均在側 就吉於是月二十一日奉安 先妣何姓同邑處士學明公之次女清例贈孺人 生於清咸豐九年己未歲六月二十二日巳時閨訓貞嫻女儀熟習年十二即歸 先考與先考年同仅小五日而與先考形影相隨六十年未嘗隔離一月也 以故先考待人接物及一切婚嫁教養作為先妣無役而不助焉 先考亦无事而不諱為惟 先妣更體 先王父母之意并白必躬親烹飪之餘繼以紡織鷄鳴而起 每斗轉尤不休室以內事無鉅細悉處之井井破布烂衣有所必惜 先王父母最契重之 己卯生大兄立生 逾五年 甲申又生二兄南台 丁亥戊子三兄楚賢 四兄國藩相繼而生 再逾六年甲午始生師庶大兄以上尚有二姊一兄均天殤半生來襁抱携持不遑寢處 先妣體氣素羸加以生育過多筋力漸減曾患筋骨疼痛有年 幾不起又年周花甲之時與 先考先後同種花痘尤為人所驚異 幸前後均占勿藥 至今人多謂之陰陽延年之証云 先王母臨終病劇 先妣奉菽水調湯藥數月未嘗一日違下與先孀母向老太君自同居以至析爨後未嘗有詬辭之語 先考率直性成 先妣承之以婉 自少至老未嘗聞交謫之聲合家人丁如有生育疾病者 先妣救护情殷每

忘寢食 但以人口多需用繁 先妣經營鎖鑰至師庶兄弟分居而后已 先妣衣布衣茶佐飯猶恬然以為自適 並常引誨師庶兄弟及孫曾等須當努力母墜家聲也 先妣之歿早 先考七年以己巳腊月初一日突患嘔症 醫藥罔效至十四日戌時弃師庶兄弟與世長辭矣 越年寅曆新正十八日归山 当其病起 即召家人一一吩咐是時師庶供職岳陽統稅局聞訊奔回 先妣訓誨一切不異平日 彌留之際猶高聲命孫竟兴伴 先考睡并嘆 先考此後形影單獨 云其神志清醒頗與 先考同 先考妣之窀穸合處於鄰鄉硤石团新屋陳上首李樹大塘右大樹岭泉水它巽山乾向且 先考妣不但生同年月 死又同月 享壽亦均邁古稀 生平之幽光潛德必咸與神鼎宓巖長存不朽 先考妣於九京自應無遺憾也 嗚乎痛哉 惟師庶自星沙肄業後繼浪迹他鄉定省多疏 荻罪伊何及今思之泥首無地矣 謹將先考妣生平至性至情之言行揖述梗概用誌哀思此際蒙 先考妣餘陰无恙者師庶兄弟五人 孫十二人 桂芳 瑞田 愷臣 潤民 敏政 榮鎬宜今競興競平文甲巨嚴偉皇曾孫八實善 慎建 華建 建綱 建印 育純 育春 育羣不肖男振讓師

庶萬章氏泣述於湘陰县城寄寓

中華民國二十六年丁丑岁六月十五日

擔任本屆纂修族譜系義務職男立生謹識

徐君石麟行述

君讳新翥 字石麟 世居湘阴武昌乡祖芝田 公考介卿公皆公正仁厚 見義勇為 君生而聰慧 三岁失怙 母氏巢太夫人撫以成人 自幼受學長嫻書數識大義 事母及兄以孝悌聞清季 由湖南公立第一法政學

校毕业 民國以来宦游数千里远 历任前交通部出纳科科长 升迁主事 直隸饶阳县政府承审员 静海县官產局主任 藁城县政府科长 吉林桦甸税捐局及横道河老營磐等局主任 從政阅二十年 勤慎自矢 所至有声 以操守清廉 且慷慨仗義 故家鮮儲蓄 又因公務積勞加之時局變遷 以致憂傷成疾 先是胞兄肇論供職吉長路局將屆廿載 已因世歸田 岁丙子春聞胞兄患足疾 慈母倚閭懸望 益切君陟岵興懷 逐賡孟郊游子之吟 而效淵明解組之計 藉以養疴林下 並侍晨昏 詎意歸未月餘 竟爾不祿 嗚呼慈親年屆八旬 能無恻乎 君生於清光緒十年甲申 岁九月二十日寅時卒 於民國二十五年丙子三月初七日午時 得年五十有三 葬楊樹橋甘冲屋讀書坡之阳 子一孫一 孫女四 君母为余之姑母 君又为余之内弟 相知較深 特为述其崖略 君之子履仁忠篤 明理克知 继述孙用权亦头角峥嵘 行见家聲不振 世代昌榮 余於徐氏有厚望焉

前直隸饒陽安平縣長北平自治所長巢功常撰

民國二十六年丁丑小阳月穀旦

先父新蘋公 先母周孺人行述

先父讳新蘋 名錫鈞 字純理 行居長 體貌魁梧 資質聰穎 胸襟落磊 瀟灑異常 且性豪强者不畏富者不谄好 讀書過目成誦 不求甚解 探得概要則深究之 嘗謂余曰 讀書須從大處着眼 而琢磨於詞章乃

腐儒也 祇緣失怙过早 先王父未享高寿中道崩殂 先王父諱維嶽 名紹農 字淑之 性聰質慧 有志向學 先會祖王父祚源公愛子情切 嘉其志束脩之俸不稍吝也 以故學雖有成而祖遺家產則蕩焉矣 傳至先父 則蕭條四壁至先王父之喪 仍竭力營葬 於禮於制未敢或闕焉 先王母胡孺人名門淑女 素諳閨訓 自適 先王父事之盡禮家室宜之惜乎 先王父未克与之偕老也 由是先父負有維持家庭之責焉 上有先王母之 侍養 下則有先亞父新繁公與先季父新藻公年尚未成而養之 教之 娶配之 皆待之於 先父 且也有姑母 三人其養之嫁之亦待之於 先父處茲艱難之境竭心力而撐持之裕如也 其事先王母克盡其孝其待 先諸 父暨諸姑母克盡其友前後為 先諸父授室焉 姑母亦次第嫁之矣 而已則年逾而立 始迎先母周孺人以归 先母周孺人乃世家產也 知書識字 有大家風 于归後事 先王母隨先父之志靡不察微而曲體之 先王母 偶有疾則躬侍湯衣 不解帶懃懃莫敢稍懈焉 其事先父盡禮盡義 而妯娌之間 雍雍睦睦 室家之內妒 厲之聲從未之聞也 即名門巨族 其家庭規模如斯之整者鮮矣 豈非先父與先母知禮識義而唱隨所得也 歟但先母恨事于歸 後數易寒暑尚無出焉 先父有懷無後之憂 先王母亦有欲弄孫之念 於是商之族人而 承繼之議興矣 先本生父新芹公正感鼓盆之憾余命不辰襁褓失恃蓋 先本生母胡孺人不幸青年而逝 以 遣吾父子於丁零斯時也 亡兄振崑年已成年 先本生父感余鞠育之艰而承嗣則有亡兄振崑 在不為無後 也 經族諸先輩等 方商之 取得同意 於是出繼余為先父之子 先母撫之如己出 視之如之如掌其愛護之 誠非墨筆所能形容者焉 余未過繼之前 先亞父新繁公以先王母感於族誼出繼毛家塘柱下維孝公承嗣 先孀母方孺人亦隨往焉 先季父新藻公自負聰穎 好學不倦 精力求進 竟致積勞成疾 不幸早逝余 於篋 中檢閱遺墨琳琅滿紙瀟灑不凡倘天假之年 以成其志則於國於家 必有可觀之 建設惜乎其未能也 先王

母感先季父捐塵之慟 悲戚過之積憂成疾 未三月而壽終矣 先父母居喪盡哀營葬竭力斯也 先父以器宇羣不胸襟磊落 邑城賢士多重視之故 援濟而通融之者不乏其人 故有所謂孟子後喪逾前喪同轍之謂焉 斯情也亦勢也 其知之者必原其心耳 先孀母蔡孺人以年輕無嗣不安於寡居有再醮之志 經先父母再三慰勸終莫能挽 遂適楊姓 與先母妯娌情篤仍時相過從則曲更稱名序以姑嫂矣 吾族有世居城之老人字茂森者以齒論則長于先父以派序則卑于先父因族誼作忘年之交 得閒則常來余家余之過繼為力良多 而先父母家居概要甚所悉 常為余道之历历不爽 故余於先父母孝友之行所得而聞之也 余年稍長 先父命之入學束脩之俸文具之貲 雖境地清貧亦未之或惜也 由小學而師範 其間經文章道德為邑人所尊仰 而崇拜者之教授如熊公金門宗老恭斗皆棄清之舉人 王公厚吾文筆老鍊有船山遺風且著有遺稿尚厚惜乎尚未付梓焉 還有鍾公光鍵柳公春眉吳公伯平熊公毓璜皆以文名著一時者也 先父皆予厚儀命余余師事之也 自慚不敏雖讀書有年 學業未成 有負先父先母愛子之誠此余之恨事也先是 先父於先王父服闕之後乃投筆從戎蓋 先父素具有振家興國之大志焉 當時洪楊之戰作吾湘會左名操一時 先父擬往投之旋因 先王母召歸未成 其志然得敘天倫之樂亦慰於心矣 厥後遂無志出山 不復問世家居之計以囤積為生亦曾經營紅青山茶生理綜計毕生心力所获不下萬金 而年復一年無多蓄積蓋 先父見義勇為而持躬約待人誠也 於鄰里戚友之間困者濟之 弱者扶之 其零丁孤苦者乃倡設法而錐護之 其用心濟世亦良難也 与居閒邑之与賢士相過 從而邑之賢士靡不慕其高義而樂与之交也余族居東北鄉蝦蟆石 族間以細故來城与訟者 先父當以片言折之而息也 故族間具敬畏之心者甚眾焉 其可太息者乃畢生辛苦 身後蕭条使余治喪感莫大之困而卒能盡礼以營葬者亦以先父交遊之而惠施之廣 援助者勇且众矣 發矧之日送殯之

冥道爲之塞。虽未街歌巷哭。則太息之聲時有所聞。此非先父好義惠施之所致也。歟。臨終之時。喟然謂余曰。吾遺爾者無他。乃清白二字耳。且云。智而多財。自貽其戚。愚而多財。徒增其過。子孫如我要錢做甚麼。子孫不如我要錢做甚麼。么。余始聞之。甚不然其言。熟思之。則皆醒世之語。非大智慧者不能道也。余居喪之後。適國軍北伐。應友人之召。投筆隨軍。轉戰江浙贛魯之間。先後任書記副官。軍訓指導員之職。未經二歲。先母緘電交馳。促之歸。蓋先母年邁蒼蒼。恐旦夕難保也。余歸后。鬱居半載。仍理舊業。任教授於邑城二校。解決仰事俯蓄之責焉。先是先父於余及冠。既爲授室。自此家庭負擔較前重矣。予感先父年邁力衰。應付不易。乃任教於邑之西鄉。所获脩儀以助家用。蓋分減先父之勞也。余室潘氏。沅江產。與余家以世業而結秦晉之旧戚者。亦嫻閨訓。於婦道無或闕也。幸蒙先人德蔭。先後產三男二女。女皆不幸而殤。長男名建宇。蘇民現已成人。其志亦大。於客秋余教課西鄉之際。僅告伊母隨軍往閩矣。次名熹宇。息民年已十齡。現肄業於城立一校。三名緒宇。慰民。乃今年產者。尚在襁褓焉。憶先母召歸之後。得敘天倫之樂。以盡定省之礼。先母既視余如已出。吾亦奉之惟謹。惟順也。以故鄰里莫知余之爲繼子也。此族中長者如耀廷。長青諸公所目見及之。非敢妄謬也。不幸先母於余歸之後。未至三年。棄予而逝。慟矣哉。子欲養而親不在。五内俱焚。碎身難報。終以再三籌措。始克盡礼營葬厥後。晋省助理稅政長斯局者。乃通家甘君哲明也。甘君旋調衡陽。亦隨之往焉。居職先後共五年之久。甘君解職。余亦贏得兩袖清風。半肩行李而返矣。歸來無技。只得再理舊業。舌耕糊口。本年秋間。族長春泉公命余來祠。協助續譜。自度才未敢輕諾。伊以族誼相責。不獲辭焉。故於彙稿之初。應召至祠。濫竽其間。負纂修之責。編校本柱支系。慎重爲之。幸未偵事查閱。先本生父新芹公世系亡兄崑早逝後。嗣闕如不覺心爲之傷耳。乃將次子息民。還繼亡兄振崑。爲後以承宗祧。庶逐返本之義焉。仅匝月之久。

世系刷竣 而族先哲行述付梓者不知凡几 余不覺心動亦將先人之行略約書之以付梨棗余此之來并撰有
續譜新序祠堂圖記 商得各柱同意編製五修凡例 家訓 家規而族之先哲前賢晉吾公維實公維太公耀廷
公其言行可儀可式或傳或記以揚其善焉

男振楚幹卿盥手拜述

民國二十六年歲次丁丑孟冬月上瀚穀旦

蓋聞凡積公者無論大小皆集腋成裘必慎始慎終 我祖鳳吾公支下裔孫成立譜費公將捐名臚列於左

上豐倉師庶捐田柒升每秋收租谷壹石四斗三升整

上豐倉立生捐壹石擔任本屆纂修族譜係義務職

毛家塘池化捐谷壹石本屆修譜擔任經理系義務職

毛公塘申懷公捐穀貳担正

楊家塘友桃公捐穀壹担正

毛家塘光前公捐穀壹担正

八里煨桐梓山冠生公捐平斛谷壹石正

芎蒲灣履仁捐平斛谷貳石整

毛家塘松濤捐谷壹石正

上丰仓介南捐谷臺石正

毛家塘月喬捐穀壹石正

除租以外合共捐穀一十貳担整 另選經理員 輪流生積俟再修家乘之際作为本房丁費之貲不得移作別用
共商美舉而後望無窮也

時在

民國二十六年丁丑岁孟冬月中澣穀旦

提倡人 池华 立生 謹訂

立捐約字人上豐倉八达橋裔孫師庶竊以本祠鳳吾支下公產微薄而房族樂於捐貲蓄積者甚寡 每屆修譜之際丁虽微即時艱於籌措余有見及此 欲未雨而綢繆 乃倡立譜費公余愿將私置之業坐落地名毛家塘新祠上首瓦形山墘路下計田壹坵計种七升捐与譜費公以爲基業永作日後再修家乘添补各房丁費之用 其田水例係艾家塘放車蔭救 並本攏泉源浸水蔭注粮系攤推撥 另公舉經理輪流生積三 更換其基金不得移作別用如有流濫等情以及手續不清公全积處願我祖宗支蕃衍世澤綿延 人文蔚起閭閻無疆 今欲

有憑 立此捐約壹紙付公永遠收存為據 凭房族人

棣華 池化 福生 科生 新培 應臣 东生 柏田 长根 振温 新炳 合生 命男競興立筆

民國二十六年丁丑岁孟冬月穀旦

族立小學校長兼任譜局纂修義務職立生謹識

立約吐契出賣山场人徐顯謨今因家務逼迫虽以設以計只得母子商議自心情愿將祖遺之業坐落地名大围山场壹雙週圍古牆為界 只得請托中人之實向前說合後集族內人必登能雄天达沾惠甫毫士宁甫黎达萬添香亮庶文賢文龍尚達公等與族內人牧牛划挖常日憑中得受山價銅錢七串文整並無貨折情由此日領足外不具領自愿甘心願賣日後各無异言反悔 今欲有凭文立此文約付族內人永遠收存為據

清乾隆四年三月初三日立笔人徐顯謨
契付顯廷收

立约叶契出賣山場樹木柴薪等項人徐嗣信同男祚皆 祚春今因家務逼迫難以設計夫妻父子商議自
心情願將祖遺父分之業坐落地名龍塘嘴山場壹塊樹木柴薪俱全西抵公山北抵龍塘東南俱抵田邊四抵四
界憑族眾蹂清德問房親人等俱不接置請托中人嗣意祚興等 向前說合 出賣與祖景華公嗣孫为业 當日
憑中三面得受時置業價等項銅錢貳串肆百整入手現交頒 足外不具頒此係甘心吐契並無謀準等情山內
坟塋三塚并無禁步只許掛扫永不得進葬倘有生枝不与受業人相干像我出業人承当自賣之後山場樹木柴

薪聽其閤族修培養禁砍伐今欲有凭
立此文約壹紙付合族頭人收存为据
嗣意 嗣康其押

凭房內人祚興 熊萬 永錫 文斗 志乾
族內人青宇 秋句 云萬

清道光十二年十月二十三日立笔嗣信
父了依口代筆人在中押